

廿二史考異

唐書十五

廿二史攷異五十五

錢大昕學

張垣傳

建言集賢院官登朝自五品上爲學士下爲直學士餘皆校理史館以登朝者爲修撰否者直史館以準六典遂著于令 今攷元和以後入史館及集賢宏文兩院者如韓愈以比部郎中史館修撰蔣伸以右補闕史館修撰蔣偕以右拾遺史館修撰鄭絳以國子博士史館修撰王溥以禮部員外郎史館修撰令狐高以右拾遺史館修撰王龜以祠部郎中史館修撰

攷異

唐書十五

韋澳以考功員外郎史館修撰牛蔚以吏部郎中史館修撰楊漢公以戶部郎中史館修撰李翺以國子博士史館修撰楊虞卿以禮部員外郎史館修撰高鉞以右補闕史館修撰盧知猷以工部侍郎史館修撰陳夷行以起居郎史館修撰裴坦以左拾遺史館修撰獨孤郁以右拾遺兼史館修撰選考功員外郎仍兼史館修撰路隋以左補闕史館修撰薛廷玉以右拾遺史館修撰杜顛以咸陽尉直史館沈傳師以鄠尉直史館轉左拾遺補闕史館修撰蔣係以昭應尉直史館拜左拾遺史館修撰此修撰與直館之別

也李益以祕書少監爲集賢殿學士馮宿以左散騎  
常侍兼集賢殿學士孔敏行以司勳郎中爲集賢殿  
學士牛僧孺以考功員外郎爲集賢學士王鐸以右  
補闕爲集賢殿直學士王起以殿中侍御史兼集賢  
殿直學士周焜以監察御史爲集賢殿學士疑脫孔  
直字  
緯以禮部員外郎兼集賢直學士白居易以整屋尉  
爲集賢校理段文昌以登封尉爲集賢校理杜讓能  
以長安尉爲集賢校理李福以藍田尉爲集賢校理  
令狐滈以長安尉爲集賢校理石洪以昭應尉爲集  
賢校理楊收以渭南尉爲集賢校理馮定以鄠尉爲

集賢校理丁公著以太子文學兼集賢校理擢右補  
闕遷直學士此學士直學士與校理之別也王彥威

以司封郎中爲宏文館學士柳公權以右司郎中爲

宏文館學士楊虞卿以右司郎中爲宏文館學士令

狐定以駕部郎中爲宏文館直學士

直字疑衍

鄭裔綽以

渭南尉直宏文館薛逢以萬年尉直宏文館裴樞以

藍田尉直宏文館柳球以藍田尉直宏文館孔緯以

長安尉直宏文館此學士與直館之別也至如于休

烈以起居郎爲集賢殿學士歸崇敬以贊善大夫史

館修撰兼集賢校理張薦以史館修撰兼陽翟尉乃

在未定制以前故不盡依資品矣楊嗣復官右拾遺當充史館修撰而傳云直史館疑修史者不通官制以意改竄故耳唐時稱登朝官者史未有明文攷百官志文官五品以上及兩省供奉官監察御史員外郎太常博士日參考常參官其餘職事九品以上官但朝朔望而已常參官卽裴洵所謂登朝官也宋制侍從卿監正郎員外郎而下以正言卽唐之拾遺太常博士國子博士太常丞祕書丞殿中丞太子中允贊善大夫中舍洗馬爲升朝官著作佐郎大理光祿衛尉將作丞大理評事太常寺太祝奉禮郎祕書省校書

攷異

唐書十五

三

郎正字將作監主簿爲京官畧與唐制同

高固傳

贈陝州大都督 唐會要證曰恭

李光進傳

元和四年王承宗范希朝引師救易定 按是歲王承宗反以騎二萬逾木刀溝河東節度使范希朝與易定節度張茂昭合兵擊敗之此承宗下當有脫文

石洪傳

石洪者字濬川 按洪官止縣尉無卓絕之行於烏重裔傳一見其姓名足矣乃復據韓退之所撰墓志別

爲附傳首尾百一十四言諛墓之文史家豈能悉書乎

李逢吉傳

父顏有錮疾逢吉自料醫劑遂通方書 按宰相世系表逢吉父名歸期顏則逢吉之大父也

裴度與元稹知政度嘗條稹愆佞逢吉以爲其隙易乘遂并中之遣人上變言和王傅于方結客欲爲稹刺度帝命尚書左僕射韓皋給事中鄭覃與逢吉參鞫方無狀稹度坐是皆罷 此事又見元微之于頤傳方爲和王傅當見於頤傳而翻不書此史之疏也頤



傳云事下有司驗無狀方坐誅竊意方刺度事既無  
狀何至遽羅重法且元李兩傳俱不云方坐誅死疑  
方特坐罪非坐誅也

### 牛僧孺傳

敬宗立僧孺數表去位帝爲於鄂州置武昌軍授武昌  
節度使同平章事 按宰相表僧孺罷相出鎮武昌  
在寶歷元年正月今以方鎮表攷之憲宗元和元年  
升鄂岳觀察使爲武昌軍節度使五年罷武昌軍節  
度置鄂岳都團練觀察使中夏穆宗敬宗文宗武宗  
四朝俱無改易直至宣宗大中元年始有復置武昌

軍之文蓋方鎮表失載敬宗初復置一事矣僧孺鎮武昌凡五年復入相而杜元穎元微之相繼爲武昌軍節度使微之卒而崔郾爲鄂岳安黃觀察使不稱節度是武昌節鎮之罷在大和五年也

諡日文簡 唐會要諡文貞

李宗閔傳

時翱爲華州刺史父子同拜世以爲寵 上文不云父翱則父子同拜之語無根

宗閔弟宗冉 按宰相世系表宗冉乃宗閔之兄

楊嗣復傳

武宗之立非宰相意中人多言嗣復珽不利于陛下帝  
剛急卽詔中使分道誅嗣復等德裕與崔郾崔珙等  
請延英言故事大臣非惡狀明白未有誅死者昔太  
宗元宗德宗三帝皆嘗用重刑後無不悔願徐思其  
宜使天下知盛德有所容不欲人以爲冤 此語已  
見李德裕傳此但當云德裕等請延英極諫不必更  
舉其詞也

竇羣傳

京兆金城人 舊史云扶風平陵人

張又新傳

又新與拾遺李續劉柄楚等爲逢吉搏吹所憎故有八  
關十六子之目 此事又見李逢吉傳宜存彼去此  
且又新以諂附見譏其事迹散見於李逢吉李紳諸  
篇其歷官本末自可附於父薦傳何必別立傳乎

楊虞卿傳

子知退知權壇堪漢公皆擢進士第漢公最顯 按此  
文似漢公亦虞卿子而上文云虞卿兄弟漢公汝士  
爲人所奔向宰相世系表亦以汝士爲虞卿兄漢公  
爲虞卿弟則此文皆字於義未安

錢徽傳

贈尚書右僕射 唐會要證曰貞

高錯傳

節以錯爲禮部侍郎闕三歲頗得才實始歲取四十人  
才益少詔減十人 洪邁容齋續筆云按登科記開  
成元年中書門下奏進士元額二十五人請加至四  
十人奉敕依奏是年及二年三年錯在禮部每舉所  
放各四十人至四年始令每年放三十人爲定則唐  
書所云誤矣大昕按舊史本傳本云錯掌貢舉三年  
每歲登第者四十人及三年榜出之後乃有敕改每  
年限放三十人非謂錯所放減十人也新史刪改文

意不明致來容齋之訕

盧簡辭傳

兄簡能見鄭注傳 按鄭注傳末附載錢可復盧簡能  
蕭傑盧宏茂魏宏節李敬彝諸人錢徵傳稱子可復  
死鄭注時不云見注傳義例已不一蕭傑俛之弟則  
俛傳并不一見其名

高元裕傳

子璩以左拾遺爲翰林學士擢諫議大夫近世學士超  
省郎進官者惟鄭顥以尚主而璩以寵升云 顥傳  
不云爲學士史之畧也拾遺官從八品上諫議大夫

攷異

唐書十五

七

則正四品下計超七階

敬晦傳

祖括拜御史大夫大歷中卒 唐會要括贈太子太傅

諡曰獻

陳夷行傳

帝嘗怪天寶政事不善問姚元崇宋璟於時在否李珣曰姚亡而宋懼 按宋璟以開元二十五年卒不逮天寶時珣所對未審

前日鄭餘慶著僕射上儀謂隔品官無亢禮時寶易直任御史中丞議不可及易直自爲僕射乃忘前議當

時鄙厭之 此事又見易直傳

李讓夷傳

辟鎮國李絳府判官 李絳時爲華州刺史華州嘗置  
鎮國軍故辟讓夷爲判官也劉瑑傳鎮國陳夷行表  
爲判官夷行亦華州刺史也

李珣傳

貶江西觀察使 按舊史及通鑑珣貶桂管觀察使非  
江西觀察

宣宗立內徙郴舒二州刺史 按風洞題名會昌五年  
五月珣已稱郴州刺史則珣之徙郴在宣宗卽位以



前柳亦邊州未可云內徙當是宣宗初由柳徙舒耳  
劉瑑傳

遷刑部侍郎乃真彙敕令可用者由武德訖大中凡二  
千八百六十五事類而析之參訂重輕號大中刑律  
總類以聞 按刑法志宣宗時左衛率府倉曹參軍  
張戣以刑律分類爲門而附以格敕爲大中刑律統  
類詔刑部頒行之不云瑑所撰又攷藝文志大中刑  
法總要格後敕六十卷刑部侍郎劉瑑等纂以張戣  
所撰大中刑律總類十二卷各爲一書疑瑑傳誤

初光啓執政韋貽範蘇檢相繼爲宰相帝還京師檢長  
流環州光啓賜死 按昭宗紀天復三年正月至自  
鳳翔二月朱全忠殺蘇檢吏部侍郎盧光啓 宰相表  
亦稱檢  
爲全忠  
所害 傳不書檢之死亦闕漏也

### 馬植傳

因著令三館學士不避行臺自植始 三館者集賢殿  
宏文館史館也王明清揮麈前錄云唐文皇聚一時  
名流于冊府始有十八學士之號後來凡居館殿者  
皆稱之吳曾能改齋漫錄云唐集賢院記開元故事  
校書官許稱學士故筆談云今三館職事皆稱學士

用開元故事也楊收以集賢校理而稱學士蓋以此  
路巖傳

韋保衡弟保乂自兵部侍郎貶賓州司戶參軍 按唐  
承旨學士壁記咸通十二年二月韋保乂自戶部員  
外郎守本官充翰林學士五月加戶部郎中依前充  
十四年十月貶賓州司戶是保乂未嘗爲兵部侍郎  
且唐季以翰苑爲要地傳不書學士亦失之

盧攜傳

系進戶部侍郎翰林學士承旨乾符五年進同中書門  
下平章事俄拜中書侍郎刑部尚書 按宰相表攜

以乾符元年十月拜相

舊唐宗紀  
在五月

十一月爲中書侍郎

郎二年六月兼工部尚書四年正月兼刑部尚書傳  
系之五年誤也舊史本傳謂乾符初以諫議大夫召  
充翰林學士拜中書舍人乾符末加戶部侍郎學士  
承旨四年以本官平章事其書入相差一年且乾符  
紀元終於六年既書乾符末矣而其下乃書四年其  
躋謬較之新傳尤甚也

與敗爭相恨詈由是罷爲太子賓客 按僖宗紀及宰

相表鄭敗與搆之罷在五年十月則前稱乾符五年  
者殆誤以罷相之年爲入相之年矣鄭敗傳以兩相

俱罷系於乾符六年又與紀表互異

王徽傳

昭義高潯與賊戰石橋敗績其將劉廣擅還據潞州別將孟方立殺廣因取邢洺磁三州貳於已昭義所隸唯澤一州按僖宗紀中和元年八月昭義軍節度使高潯及黃巢戰于石橋敗績十將成麟殺潯入於潞州九月昭義軍戍將孟方立殺成麟自稱留後孟方立傳昭義節度使高潯與潯同擊黃巢戰石橋不勝保華州爲裨將成鄰與麟同所殺還據潞州衆怒方立率兵攻鄰斬之自稱留後獨此傳云方立殺劉廣疑

誤也以通鑑證之昭義大將劉廣逐節度使高  
爲留後在乾符二年昭義十將成麟殺高潯還  
州在中和二年前後本是兩事

譜言其先本魏諸公子秦滅魏至漢徙關中霸陵以其  
故王家爲王氏十世祖熊仕周爲同州刺史 此文  
與宰相世系表畧同當刪此存彼

### 周寶傳

祖光濟事平盧節度希逸 希逸上脫侯字

餘杭鎮使陳晟 僖宗紀作清平鎮使

不淹月而駢爲畢師鐸所囚 按僖宗紀光啓三年九

月秦彥殺高駢十月錢鏐殺周寶是高駢死在周寶之前此傳謂寶死未淹月而駢爲畢師鐸所囚與紀自相矛盾

劉巨容傳

諸將欲乘勝追斬巢巨容止曰朝家多負人有危難不愛惜官賞事平卽忘之不如留賊爲富貴作地諸將謂朕故巢復熾此語又見黃巢傳

楊守亮傳

守信興平軍節度使興平節度卽方鎮表所謂金商節度也舊本紀云守宗此云守信名畧異

初朱玫取興鳳州號州刺史滿存以兵赴行在復收二州 昭宗紀光啓二年九月靜難軍將王行瑜陷興鳳二州十月神策行營先鋒使滿存克興鳳二州行瑜朱玫部將也紀傳書滿存官銜各異蓋一人兼此兩職

王重榮傳

與兄重盈俱以毅武冠軍 僖宗紀光啓三年護國軍將常行儒殺其節度使王重榮其兄重盈自稱留後

舊紀同

惟五代史王珙傳以重盈爲重榮之弟

克用遣子存貞請天子還官 存貞當作存勛



李罕之傳

抵鉢襦祇袴去 廣韻祇袴尼法衣也

王敬武傳

師範遣部將盧宏攻之 五代史劉鄩傳作盧洪蓋宋人避諱改之

孟方立傳

以遷爲汾州刺史 光化二年克用復表遷爲昭義節度使天復元年朱全忠遣氏叔琮攻河東遷以潞以迎降且爲鄉道師還全忠以丁會代遷入朝爲全忠所殺此皆宜見於本傳者

楊行密傳

詔朱瑾爲平盧節度使孫海道取青齊馮宏鐸爲感化節度使出遼水攻徐宿 此行密承制暹授不惟不能有其地亦並未出師故瑾宏鐸傳俱不載

朱宣傳

宣亡命青州爲王敬武牙軍黃巢之亂敬武遣將曹存實率兵西入關而宣爲軍候道邠州是時節度使薛崇拒王仙芝戰死其將崔君裕攝州事存實揣知兵寡襲殺之據其地自稱留後宣以功署濮州刺史

按僖宗紀中和二年九月平盧軍將王敬武逐其節

攷異

唐書十五

三

度使安師儒自稱留後是歲歲在壬寅敬武始得青

州而王仙芝之伏誅在乾符五年戊戌

先壬寅四年

則敬

武尚爲偏裨不得有遣將之事五代史宣傳云宣事

青州節度使王敬武爲軍校隸其將曹全晟中和二

年敬武遣全晟入關與破黃巢還過鄆州鄆州節度

使薛宗卒其將崔君預自稱留後全晟攻殺君預遂

據鄆州宣以戰功爲鄆州馬步軍都指揮使與此傳

畧同

薛宗卽薛崇君預卽君裕音相似

惟此云曹存實而彼云全晟

姓同名異據僖宗紀乾符六年淄州刺史曹全晟

晟

同音克鄆州中和三年天平軍將曹存實克鄆州則全

晟與存實自是兩人通鑑中和元年十月天平軍節度使南面招討使曹全晟與賊戰死軍中立其兒子存實爲留後二年五月以天平留後曹存實爲節度使則存實爲全晟兒子此言當可信也朱宣本平盧軍校其從征黃巢適隸曹全晟麾下因留邠州全晟死復事存實與王做武初無預而史家以全晟爲敬武所遺蓋失之矣紀又稱乾符四年黃巢陷邠沂二州天平軍節度使薛崇死之五年天平軍節度使張勳卒牙將崔君裕自知州事六年淄州刺史曹全晟克鄆州殺崔君裕是薛崇之後尚有張勳一人君裕

所代者乃張勣非薛崇而殺君裕而代之者亦全晟  
非存實與傳所書益相矛盾攷舊史僖宗紀乾符二  
年七月以京兆尹張勣檢校戶部尚書充天平軍節  
度使四年冤句賊黃巢攻鄆州陷之逐節度使薛崇  
張勣傳則云乾符三年出爲華州刺史其冬檢校吏  
部尚書鄆州刺史天平軍節度觀察等使四年卒於  
鎮紀傳書勣出鎮之年雖互異要之勣鎮天平必在  
薛崇之前明矣新紀書張勣於薛崇後益不足信  
君裕實爲全晟所殺則紀是而傳非也紀於中和  
二年十月書韓簡寇鄆州天平軍節度使曹全晟死

部將崔用自稱留後三年書天平軍將曹存實克鞏州四年書濮州刺史朱宣逐天平軍節度曹存實自稱留後此三條尤爲踈謬蓋中和二年與韓簡戰而死者存實非全晟也全晟死於賊不死於韓簡全晟死而兒子存實代之初無崔用其人者與之爭立也及存實爲韓簡所殺而朱宣守鄆州簡攻之不下朝廷乃以旌節授之又安得有逐存實之事乎如紀所書自乾符四年至中和四年此八年中天平節度有薛崇張勗崔君裕曹全晟崔用曹存實朱宣凡七人據宣傳則惟崇君裕存實及宣四人吳氏糾謬雖譏

其失亦疑而未決予以新舊史紀傳五代史通鑑參互攷之乃知張弼鎮鄆在薛崇之前崔君裕與崔用本一人而紀誤分爲二全晟與存實本二人而傳誤潤爲一其實自乾符四年以後鄆帥祇薛崇崔君裕曹全晟曹存實併宣爲五人也唐末諸帝無實錄史家得於傳聞言人人殊無從質其然否聊述愚管以俟後賢論定之

趙犖傳

中和五年擢彰義軍節度使 按中和五年卽光啓元年也以三月改元犖除節度蓋在三月以前矣唐時

有兩彰義軍蔡州之彰義其時已改名奉國軍涇州之彰義則其時尚未置也此傳所云彰義軍方鎮表無之推檢其故蓋因秦宗權據蔡州以叛故改奉國軍復爲彰義軍以犇遙領節度也

龍紀初進同中書門下平章事忠武軍節度仍治陳州是時秦宗權伏誅蔡州復爲奉國軍以郭璠知留後事因移忠武軍額於陳州除犇爲節度方鎮表當於是年書忠武節度徙治陳州而今本無之蓋傳寫漏落也趙氏兄弟父子相繼爲節度幾二十年至天復元年乃以韓建代之建本許州人由是忠武軍又



移於許矣

劉建鋒傳

又攻容管執寧遠節度使龐巨臞 按五代史南漢世家劉龔與馬殷爭容桂殷取桂管虜劉士政龔取容管逐龐巨昭則殷未能得容管亦無執巨昭事也巨昭與巨臞疑卽一人

杜洪傳

爲里侻兒 侻兒卽伶人也五代史鍾傳傳云江夏伶人杜洪

僖宗卽拜本軍節度使 昭宗時累加檢校太師中書

今見舊本紀此傳失書

鍾傳傳

使弟存昌據信州 僖宗紀作仔昌存卽仔之諱昌  
音相同也

王潮傳

建汀二州皆舉籍聽命 昭宗紀建州刺史徐歸範汀  
州刺史鍾全募叛附於王潮

劉知謙傳

兼賀水鎮使 五代史世家云賀江鎮遏使

天祐初始詔隱權節度留後乃遣使者入朝重賂朱全

忠以自固是歲盧光稠死子延昌自稱刺史爲其下

所殺夏推李圖

五代史作李彥圖

總州事

按五代史南漢

世家徐彥若卒軍中推隱爲留後

據昭宗紀在天復元年

天祐

二年拜隱節度使此傳云天祐初詔權節度留後者

誤也昭宗紀天祐元年虔州刺史盧光稠卒衙將李

圖自稱知州事與此傳云天祐初者相合朕却非劉

隱權留後之歲亦爲矛盾又攷五代史盧光稠傳其

卒在梁開平五年譚全播立其子延昌事之延昌見

殺其將黎求自立求死而李彥圖始立則唐史紀傳

所書皆不足據矣二史皆出於歐陽永叔而自相刺

謬如此

唐書十六

廿二史攷異五十六

錢大昕學

忠義傳一

有詔差爲二等增至百八十七人 此功臣百八十七

人史無專傳者劉正臣見劉悟傳任雅相見宰相表陸敦信見宰相表

相表陸德明傳趙仁本見趙憬傳王德真見宰相表安興貴見李執傳安修

仁同上杜君綽鄭仁恭見高宗紀獨孤彥雲牛進達見太

宗周護沈叔安翟無言見武后紀趙承恩同上裴思諒見中宗紀

楊執一見楊執柔傳薛思行見武后紀薛崇簡見太子傳李延昌

馮道力崔諤之見崔知溫傳許輔乾薛景仙見蕭宗紀尚衡同上

攷異

唐書十六

一

凡二十五人

荊州都督懷寧郡公杜君綽 唐會要諡曰襄今禮泉

縣有君綽碑

代州都督同安郡公鄭仁恭 高宗紀唐會要皆作仁

泰

潭州都督吳興郡公沈叔安 唐會要贈荊州大都督

諡曰定

忠義傳三

黃碣 爲漳州刺史徙婆州治有績劉漢宏遣兵攻之

兵寡不可守棄州去 按信宗紀中和四年棄州將

王鎮執其刺史黃碣叛附于董昌此傳云棄去則碣未嘗被執也

孝友傳

李知本 開元中孫瑱爲給事中揚州刺史 唐會要有贈魯郡都督趙郡公李瑱諡曰孝豈卽其人乎

隱逸傳

賀知章越州永興人 按舊史知章爲太子洗馬德仁之族孫德仁名在文苑傳似可合爲一篇

陸龜蒙 光化中韋莊表龜蒙及孟郊等十人皆贈右補闕 按唐摭言載韋莊奏請追贈不及第人近代

攷異

者孟郊李賀皇甫松李羣玉陸龜蒙趙光遠李甘溫  
庭皓劉得仁陸逵傅錫平曾賈島劉稚珪顧邵孫沈  
珮顧蒙羅鄴方干凡十九人

循吏傳

韋丹 封咸陽郡公 咸陽當作武陽

韋宙 宙在嶺南以從女妻小校劉謙或諫止之宙曰  
吾子孫或當依之謙後以功爲封州刺史生二子卽  
隱龔 此事又見劉知謙傳本名知謙而云謙者疑  
後人避漢祖諱去之

儒學傳一



文宗定五經鏡之石張參等是正訛文參代宗時人  
非文宗時

陸德明 子敦信終大司成 唐會要贈原州都督諡  
曰康

谷那律 孫倚相仕爲祕書省正字 文苑傳富嘉謨  
吳少微谷倚稱北京三傑卽此人也

蕭德言 諡曰博 唐會要諡曰密  
儒學傳二

路敬淳 唐初姓譜學唯敬淳名家其後柳沖韋述蕭  
穎士孔至各有撰次 此語又見柳沖孔至傳

攷異

柳沖 李守素亦明姓氏時謂肉譜者 肉譜語又見  
守素傳詠明之詞何必數見乎

應劭有氏族一篇 按應氏風俗通義本有氏族篇廣  
韻亦屢引之今本無此篇蓋非完書

儒學傳三

元行沖 少孤養于外祖司農卿韋機 疑卽宏機避  
諱省上一字

陸堅 有詔起復遣中官致諭不就 有詔之上當有  
親喪字

鄭欽說 初梁太常任昉大同四年七月於鍾山墳中

得銘 按梁書昉卒於天監七年年四十有九若大同四年歲在戊午乃在天監戊子後三十年此小說家無稽之說而史家采之可謂不學矣

陳京 司馬晉以高皇太皇征西四府君爲別廟 按

晉初追尊宣帝以上四親所謂征西豫章潁川京兆四府君也曷嘗有高皇太皇之稱乎詳其文義則司馬晉之上當有曹魏二字魏明帝嘗追尊武帝父嵩爲太皇帝祖騰爲高皇帝也魏以武帝爲太祖而高皇太皇在別廟晉以宣帝爲太祖而征西四府君在別廟正同一例

若世祖則春秋所謂陳於太祖者 按春秋無此文舊  
禮儀志載此議本云代祖即世祖神主則太祖已下毀  
廟之主公羊傳所謂已毀廟之主陳於太祖者是也  
詞意甚明白新史所不逮也

故有連王廟之制 王廟當作五廟下文同

文苑傳一

袁朗 典籤蘇幹 按蘇幹傳云父勗武德中爲秦王  
諮議典籤文學館學士又褚亮傳載秦府十八學士  
亦有蘇勗而無蘇幹則幹乃勗字之譌

王勃 卒年二十九 楊盈川撰勃文集序云春秋二

十有八卒於上元三年八月

文苑傳二

李白 年六十餘 按曾鞏撰次白詩集序云白卒年

六十有四

蕭穎士 殷寅者陳郡人 寅卽踐猷之子已見儒學

傳

文苑傳三

李賀 卒年二十七 此據杜牧所撰詩集序也李商

隱爲賀小傳則云生二十四年

吳武陵 信州人 按李紳傳始澄人吳汝納者韶州

及異

刺史武陵兒子也汝納旣爲武陵兒子而一稱信州人一稱澧人疑有一誤

李商隱 或言英國公世勣之裔孫 馮養吾曰義山詩云我系本王孫又云我家在山西山西卽隴西也蓋亦涼武昭王之後非世勣裔也

方技傳

張憬藏 裴光廷<sub>富作庭</sub> 當國憬藏以紙大署台字投之

光廷曰吾旣台司矣尚何事後三日貶台州刺史

按光庭以開元十七年六月入相二十一年三月薨初無貶斥之事後讀劉賓客嘉話錄云中書令河東

公開元中居相位有張憬藏者能言休咎一日忽詣公以一幅紙大書台字授公公曰余見居台司此意何也後數日貶台州長史李綽尚書故實亦具載斯事兩書所稱河東公者張嘉貞也新史乃以裴光庭當之謬之甚矣攷嘉貞由中書令罷爲幽州刺史其後雖貶台州去作相之日久矣小說家附會之說不盡足信

帥夜光 因九仙公主得召見 公主傳未見有封九仙者

列女傳

攷異

唐書十六

六

高愍女 父彥昭贈陝州都督 唐會要贈工部尚書

諡曰愍

外戚傳

武士讓之孫攸寧爲建昌王攸歸九江王攸望會稽王  
士逸孫懿宗河內王嗣宗臨川王仁範河間王仁範  
子載德潁川王士稜孫攸暨千乘王惟良子攸宜建  
安王攸緒安平王從子攸止恒安王重規高平王

今按宰相世系表攸暨與攸寧皆懷道之子與攸歸  
攸止攸望同爲士讓之孫而傳獨以攸暨爲士稜孫  
其可疑一也表以仁範爲士逸子重規與載德均爲



仁範之子傳則以仁範爲士逸孫以重規爲惟良從子其可疑二也據表惟良與懷運皆士讓之子則攸宜攸緒等亦士讓孫矣傳不應別而言之若以惟良名已見傳故別敘惟良之子則懷運名亦見傳而攸歸等何以不云懷運之子其可疑三也據表攸歸攸止攸望皆懷運子傳或稱士讓孫或稱惟良從子似非同父昆弟其可疑四也文苑英華載宋之問爲武攸暨請降王位表稱臣亡兄攸寧屬續之夕再受懇言憂臣愚蒙令臣退讓乃知攸寧攸暨實親昆弟攸寧又爲攸暨之兄傳以攸暨爲士稜孫固誤表列攸

暨於攸寧之前亦非也

宦者傳

唐制內侍省官有內侍四內常侍六內謁者監內給事各十謁者十二典引十八寺伯寺人各六又有五局一曰掖廷主宮嬪簿最二曰宮闈扈門闌三曰奚官治宮中疾病死喪四曰內僕主供帳燈燭五曰內府主中藏給納局有令有丞皆官者爲之內侍省官已見百官志此重出可刪

李輔國 以右武衛大將軍藥子昂代判元帥行軍司馬 唐會要子昂贈揚州大都督諡曰忠

酷吏傳

崔器 三日卒 唐會要諡曰貞

藩鎮魏博傳

田承嗣 加同中書門下平章事封雁門郡寵其軍曰

天雄 按舊書承嗣傳無寵其軍曰天雄之文方鎮

表亦不載至天祐元年始云賜魏博節度號天雄軍  
節度狀則昭宗以後乃有天雄軍號謂田承嗣時已  
有之者非也舊書羅紹威傳稱文德初充天雄軍節  
度副使文德紀元在天祐之前恐亦追稱之

田悅 建中二年鎮州李惟岳滿青李納求襲節度不

許悅爲請不答遂合謀同叛 按李惟岳傳寶臣死  
軍中推爲留後求襲父位帝不許田悅爲請不聽遂  
與悅李正己謀拒命又李正己傳建中初聞城汴州  
乃約田悅梁崇義李惟岳偕叛是李正己未死之前  
已與悅偕叛非因子納求襲鎮不許而始叛也攷德  
宗紀田悅反在建中二年正月李正己卒其子納自  
稱留後在是年八月以是推之悅未叛以前但爲惟  
岳請襲未嘗爲納請明矣

藩鎮盧龍傳

李載義

太和四年爲兵馬使楊志誠所逐

按文宗

紀在大和五年正月舊紀傳亦作五年此誤

藩鎮澤潞傳

劉悟 卒贈太尉 唐會要諡襄武

突厥傳

右賢王阿史那泥孰蘇尼失子也始歸國妻以宗女賜名忠 上文云阿史那忠爲左賢王阿史那泥孰爲右賢王則忠與泥孰非一人矣此乃云泥孰賜名忠何其相矛盾也

吐蕃傳

天寶元年隴右節度使皇甫惟明破虜大嶺軍戰青海

破莽布支斬首三萬級明年破洪濟城石堡不克  
副將諸葛誦死之 按元宗紀天寶元年十二月隴  
右節度使皇甫惟明及吐蕃戰于青海敗之二年四  
月皇甫惟明克吐蕃洪濟城四載八月皇甫惟明及  
吐蕃戰于石堡城副將褚誦死之是石堡之役在破  
洪濟之後二年傳合爲一事誤矣紀云褚誦而傳云  
諸葛誦未知孰是

回鶻傳

東北俱羅勃爲燭龍州 地理志燭龍州貞觀二十二  
年析瀚海都督之掘羅勿部置掘與俱勿與勃音相

近也

沙陀傳

王仙芝陷荆襄朝廷發諸州兵討捕國昌遣劉遷統雲  
中突騎逐賊數有功 按國昌以咸通十四年拒命  
朝廷遣太原幽州諸軍討之王仙芝陷荆襄在乾符  
四年其時國昌父子尚未歸命安得有遣突騎逐賊  
之事乎攷舊唐書是年賊陷江陵之鄂楊知溫求援  
於襄陽時沙陀軍五百騎在襄陽軍次荆門騎軍擊  
賊敗之蓋沙陀軍別有從征襄陽者非國昌所遣也

光啓元年幽州李可舉鎮州王景崇 按景崇以中和

二年卒子鎔繼之光啓改元之際鎮州帥乃王鎔非景崇也

南蠻傳

元和中辰澈蠻酋張伯靖聚眾叛黔中經畧使崔能荆南節度使嚴綬湖南觀察使柳公綽討之三歲不能定按本紀同時討伯靖者尚有劍南東川節度使潘孟陽傳失載

姦臣傳

李義府貞觀中高士廉韋挺岑文本令狐德棻修氏族志凡升降天下允其議於是州藏副本以爲長式



時許敬宗以不載武后本望義府亦恥先世不見敘  
夏奏剛正委孔志約楊仁卿史元道呂才等定其書  
以仕唐官至五品皆昇士流於是兵卒以軍功進者  
悉入書限夏號姓氏錄縉紳共嗤斬之號曰勳格義  
府奏悉收前志燒絕之 此事已見士廉傳

贈義府揚州大都督 唐會要諡曰成

盧杞 詔拜饒州刺史給事中袁高當行詔書不肯草  
白宰相曰杞反易天常使萬乘播遷幸赦不誅又委  
大州失天下望宰相不悅乃召它舍人作制高固執  
不得下 此事已見高傳雖應爾見不必又述其語

也

崔昭緯 以戶部侍郎同中書門下平章事居位凡八年 按宰相表及本紀昭緯以大順二年辛亥正月拜相至乾寧二年乙卯八月罷爲右僕射居位實不滿五年

叛臣傳

僕固懷恩 以僕骨歌濫拔延爲右武衛大將軍金微都督訛爲僕固氏生乙李墜乙李墜生懷恩 回鶻傳以懷恩爲歌濫拔延之子誤

逆臣傳

黃巢 仙芝乃遣蔡溫球楚彥威尚君長來降 舊書

僖宗紀作蔡溫玉

進寇廣州詔節度使李迢書求表爲天平節度 舊書  
僖宗紀稱廣南節度使李巖

修唐書史臣表

慶曆四年

甲申

樞密使百月朝  
建議修唐書令  
館職日供唐書  
所未載者二事  
附於本傳

五年

乙酉

五月四日詔開  
局修唐書

提舉官

刊修官

編修官

賈昌朝

五月以工部侍郎平

王堯臣

五月以翰林學士同

曾公亮

五月以支員外郎

章事兼樞密使  
充提舉官

刊修

集賢校理天章閣侍講充以編  
敕不入局

宋祁

五月以翰林侍讀學士龍

同直學士右諫議大夫同刊

趙師民

五月以宗正丞崇文

修

張方平

五月以翰林學士同

刊修

楊察

五月以知制誥同刊修

趙集

五月以知制誥同刊修尋

請守藍州不入局

余靖

五月以知制誥史館修撰

同刊修尋出知

吉州按趙余

二人長編不載

據春明退朝錄

院檢計兼天章閣侍講充未到局

何中立

五月以殿中丞集賢

校理充除開封幕亦不入局

范鎮

五月以大理寺丞館閣校勘充

邵必

五月以大理寺丞國子監

直講充以日疾辭不到局

宋敏求

五月以校書郎充九

月復館閣校勘

按東都事畧

謂宋祁范鎮在

局一十七年敏

求十年今據長

編敏求與鎮並

六年 丙戌

昌朝

堯臣 正月除承旨  
兼端明殿學士  
充羣牧使

敏求

祁

王疇 以太常博士  
充按東都

方平 正月以右諫  
議大夫權知  
史中丞十一月  
復為翰林學士

事畧稱職在局  
一十五年知常  
於是年入局也

察 正月自右正言  
知制誥遷翰林  
學士

學士

命申判未除外  
任似不止十年  
也

七年 丁亥

昌朝 三月罷相判  
大名府

堯臣 丁母憂未詳  
年月

鎮

八年 戊子

皇祐元年

己丑

度

丁度

六月以工部侍郎參知政事充提舉官

祁

方平

察

四月以右諫議大夫權御史中丞

敏求

疇

加直祿開其  
事畧云慶歷中  
未詳年月

度

四月罷政事以親文殿學士判尚書都省提舉如故

祁

六月復以右諫議大夫史館修撰除翰林學士六月出知許州

鎮

方平

八月出知許州

敏求

祁

六月復為翰林學士史館修撰自同判修為刊修官遂獨秉筆

鎮

敏求

二年庚寅

度

邢  
九月以明堂恩  
轉給事中兼龍  
圖閣學士

時

敏求

義安

夏卿

右二人除官見

劉濤

以試大理  
評事趙鼎

推官充

呂夏卿

以江寧尉  
充法二

人未詳入局年

月

鎮



三年

辛卯

度

祁

三月以集賢殿  
修撰出知亳州

鎮

詔就州修唐書  
自後歷內外任  
皆以史局自隨

疇

敏求

羲安

夏卿

四年

壬辰

度

祁

以禮部侍郎改  
知成德軍

鎮

加直秘閣

疇

敏求

羲安

胡宿外制

五年

癸巳

度

正月卒

祁

正月改知定州

鎮

除開封府推官  
未詳年月

夏卿

劉沆

以工部侍郎  
參知政事充  
提舉官

疇

敏求

義斐

夏卿

至和元年

甲午

沈

八月以前官同  
平章事

祁

遷端明殿學士  
吏部侍郎知益  
州未詳年月

鎮

以起居舍人直  
秘閣除知諫院  
除開封府推官  
按事畧云至

七月詔刊修唐  
書官宋祁編修  
官范鎮等述上  
所修唐書

歐陽修

八月自翰林  
學士

也

部郎中為刊修  
官以宰相劉沆

敏求

二年 乙未

十月鳳陽修言  
唐自武宗以下  
並無實錄以傳  
記別說及證虛  
實尚慮因器闕  
西京內中省寺  
諸司御史臺及  
樂和諸庫有唐  
朝至五代已來  
奏牘案簿尚存  
欲差編修官已  
夏典誥被檢討  
從之

沉

六月轉兵部侍郎

郝

修六月除翰林侍  
讀學士出知然  
州七月復留為  
學士八月復契  
丹

盧也

鎮

八月奉使契丹

義叟

轉著作佐郎  
未詳年月

夏卿

轉秘書丞  
未詳年月

敏求

遷開封府判官  
未詳年月

義叟

夏卿

梅堯臣

以太常博士充未詳

年月

嘉祐元年

丙申

沈十二月罷相出

知應天府

王堯臣

以戶部侍郎參知政事充提舉官

修

二月使北還閏三月判太常寺五月知通進銀臺司八月權發遣三司公事

鎮

八月除戶部員外郎兼侍御史知雜事同辭不受十一月復為起居舍人充集賢殿修撰

敏求

除三司度支判官未詳年月

義叟

夏卿

堯臣

除國子監直講

二年

丁酉

堯臣

祁

鎮

兼修起居注未詳年月

攷異

唐書十六陳

五

二年

戊戌

堯臣

八月卒

曾公亮

十月以禮部侍郎參

修

六月加龍圖閣學士惟知封

時

祁

鎮

三月以起居舍人除知制誥

堯臣

夏卿

義叟

敏求以太常丞集賢校理去國知太常禮儀事以歐陽修及也

修正月知禮部貢舉轉右諫議大夫

時

八月以度支例官祠部郎中直祕閣使契丹

知政事充提舉  
官

府

敏求

義叟

夏卿

堯臣

四年 巳亥

公亮

祁

三月以端明殿  
學士兼翰林侍

紳

轉禮部郎中未  
詳年月

讀學士吏部侍  
郎兼賢殿修撰

除刑部郎中知  
制誥權判吏部

除三司使尋加  
龍圖閣學士知

見法帖

鄭州

敏求

修

二月解開封府  
事轉給事中

義叟

夏卿

五年 庚子

六月書成七月  
戊戌奏上刊修  
及編修官皆遷  
秩或加職仍賜  
器幣有差

公亮

以提舉日淺  
辭賞與唯賜

銀幣

祁

轉工部尚書尋  
自鄂州召還除

修

翰林學士承旨  
明年五月卒  
轉禮部侍郎

堯臣

十二月進  
祭詩有詔  
論轉都官員外

鎮

轉一官

疇

轉一官

敏求

轉工部員外

羲叟

加崇文院檢  
討未入謝卒

夏卿

加直祕閣皆  
以書成推賞

也

堯臣

四月卒以書  
成恩錄其子

一人

大昕按宋景文公登科入禁林皆在歐陽公之前寄  
祿官亦高於歐陽而進表列銜歐陽在宋之前者歐  
公見掌內制宋公帶職出守內任重於外任故也書  
成後范王二人各轉一官史不言轉何官依宋制敘  
遷格范官禮部郎中當轉戶部郎中王官刑部郎中  
當轉兵部郎中也皇祐二年明堂恩范王宋三人亦  
應轉官而史無明文姑闕之



舊唐書一

廿二史攷異五十七

錢大昕學

高祖紀 按舊史本紀前後繁簡不均睿宗以前文簡而有法明皇肅代以後其文漸繁懿僖昭哀四朝冗雜滋其始以卷帙論之自高祖至肅宗八世百四十五年爲卷十合計二百廿七葉自代宗至哀帝十三世百四十五年亦爲卷十而自十七卷以後分爲上下合計五百六十八葉年代相等而文且倍又半之且以高祖創業之君在位九年而紀止六千八百十有四言哀帝政在強臣在位不盈三載而紀乃一萬

三千有二言蓋唐初五朝國史經吳兢韋述諸人之  
手筆制謹嚴中葉已後柳芳令狐暉輩雖非史才而  
敘事尚爲完備宣懿而後旣無實錄可稽史官採訪  
意在求多故卷帙滋繁而事迹之矛盾益甚也

儀鳳中追尊宣皇帝 按高宗紀上元元年八月追尊  
宣簡公爲宣皇帝懿王爲光皇帝此紀云儀鳳中者  
誤也又開元十年尊宣皇帝爲睿祖光皇帝爲懿祖  
亦宜見于本紀而此紀失之

武德元年相國府司馬劉文靜爲納言隋民部尚書蕭  
瑀相國府司錄實威並爲內史令 此納言卽侍中

內史令卽中書令之上八年加秦王中書令齊王元吉侍

中則中書令居侍中上矣自後中書令常居侍中之

上五代及宋猶循之又按本紀之例宰相除免皆當

書高祖紀書拜而不書罷如劉文靜之除名紀亦失

之也睿宗以前本紀惟書宰相除免明皇以後卿監

方鎮亦書矣興元貞元以後兩制中丞六尚書亦書

矣又如元和以後宰相多兼集賢殿宏文館大學士

紀皆不書而宣宗昭宗哀帝三紀則具書之諸臣除

授散官勳封例不書而宣宗昭宗哀帝紀亦書之諸

臣賜紫賜緋例不書而憲宗穆宗宣宗哀帝紀屢書

之禮部知貢舉例不書而大中咸通間屢書之此紀文之所以益於前也

八年中書令溫彥博沒于賊 按本傳彥博時爲中書舍人非令也

### 太宗紀

貞觀五年太子少師新昌縣公李綱薨 按高祖紀內史令竇威以宰相而書卒此紀李綱非宰相而書薨中書令岑文本馬周皆見任宰相却書卒蓋唐初侍中中書令正三品東宮三少則從二品也宰相職雖顯貴猶以官未至二品不與書薨之例高宗紀侍中

高季輔辛茂將姜恪張文瓘中書令閣立本檢校左  
相竇德元武后紀內史狄仁傑皆書卒猶此例也明  
皇紀黃門監盧懷慎左相牛仙客書卒而侍中裴光  
庭獨書薨太子太保陸象先官從一品且前宰相也  
而書卒太子少師韓休亦前宰相也而書卒而太子  
太師徐國公蕭嵩以前宰相獨書薨代宗紀門下侍  
郎平章事衛國公杜鴻漸中書侍郎平章事楊紇皆  
書卒而太子太師邠國公韋見素以前宰相書薨德  
宗紀中書侍郎平章事崔祐甫門下侍郎平章事崔  
損皆書卒而門下侍郎平章事趙憬獨書薨檢校司

徒兼太子太師沂國公李勉以前宰相亦書薨尚書  
右僕射姚南仲亦書薨則書薨書卒殊無一定之例  
矣使相惟李光弼郭子儀李晟馬燧以元勳書薨此  
外方鎮帶宰相銜者皆書卒而德宗紀成德軍節度  
使檢校太尉中書令王武俊憲宗紀劍南西川節度  
使檢校太尉中書令韋臯二人獨書薨此亦義例之  
未當也穆宗以後宰相三公三師使相皆書卒無有  
書薨者又與前數朝之例互異歐史本紀惟宰相終  
于位者書薨而餘官皆不書較之前史簡而當矣

貞觀二十三年英國公勣爲尚書左僕射同中書門下  
三品僕射始帶同中書門下 按唐初以三省長官  
爲宰相尚書令與左右僕射皆二品侍中中書令皆  
三品論班序當由侍中轉中書令乃遷僕射今勣以  
僕射同中書門下三品是以上兼下也然自後僕射  
不帶同中書門下者遂不復與聞政事則宰相惟兩  
省長官任之而前省不得與尚書省謂僕射雖居人  
臣之極地不過備員而已開元中嘗改左右僕射爲  
左右丞相然雖有相之名却無相之實也

永徽二年中書令兼檢校吏部尚書衛縣公高季輔爲

侍郎 侍郎蓋侍中之譌

三年同州刺史河南郡公褚遂良爲吏部尚書門下三品 尚書下脫同中書三字

顯慶三年兼中書令皇太子賓客兼檢校御史大夫河間郡公李義府 上兼字去聲此欠一階之兼也下兼字平聲此兩職事之兼也

四年惟郭待封張九齡五人居上第 此別一張九齡中宗紀

神龍元年上半年親附太祖景皇帝獻祖光皇帝世祖元皇帝 按獻祖爲太祖之大父不應在太祖下且獻懿



二祖廟號始上于開元十年不應中宗世已稱之又  
光皇帝廟號懿祖非獻祖也禮儀志稱崇耐光皇帝  
太祖景皇帝代祖元皇帝斯爲得之

睿宗紀

臨淄王諱 按太宗高宗中宗篇中直書高中睿三宗  
之名高祖篇中但書太宗而不名此紀於明皇名稱  
諱於例初未盡一蓋五朝之史成於明皇之世故特  
稱諱後來又承其舊文而不能是正爾

明皇紀

第三子平王基 明皇本名隆基而制詞但稱基一字

開元八年皇太子敏薨追封懷王 太字衍

天寶元年改侍中爲左相中書左右丞相依舊爲僕射

中書下蓋有脫文當云中書令爲右相尚書左右

丞相依舊爲僕射

十三載廢濟陽郡以所領五縣隸東平郡 按新史地

理志是年郡廢以長清隸濟州

當作濟南

以盧平陰東阿

陽穀屬東平是改隸東平止四縣矣舊志云廢濟州

盧長清平陰東阿陽穀等五縣並入鄆州

我開元之有天下也 此史成于石晉史臣之手而論

稱我字尹思貞等傳贊尚書亞台京尹方伯我朝重

官云誰稱職李勉等傳贊我宗之英曰臯與勉李抱  
玉傳贊抱玉抱真我朝良將崔慎由等傳贊漢代荀  
陳我朝崔杜文苑傳序爰及我朝挺生賢俊北狄傳  
我太宗文皇帝安祿山傳論我唐之受命也此皆沿  
舊史臣之詞而未及改正者當如順宗紀書史臣韓  
愈名憲宗紀書史臣蔣係名則於文義無嫌矣又如  
錢九隴樊興傳竝云父配沒爲皇家隸人此亦非異  
代史臣之詞

肅宗紀

開元十五年正月封忠王改名浚 元宗紀在十三年

二月

天寶十四載十二月丁未陷東京 丁未當作丁酉

至德元載詔以子儀爲兵部尚書依前靈州大都督府  
長史光弼爲戶部尚書兼太原尹北京留守同中書  
門下平章事 按郭李二人同時除使相當增竝字  
於同中書之上

二載十一月壬申朔十二月丙午十二月戊午朔 按  
一歲不應有兩十二月以上文十月乙巳朔及次年  
正月甲戌朔前後推校則十一月當乙亥朔十二月  
當甲辰朔史所紀壬申者十月之廿八日非十一月

朔也丙午則十二月三日戊午則十二月十五日史  
文之謬誤如此

三載正月甲戌朔戊寅 按肅代以後諸帝紀多有無  
事而書朔者蓋本實錄之文史臣刊削未盡也

乾元二年右羽林將軍李抱真爲鄭州刺史 此時抱  
真未爲刺史蓋李抱玉也

上元二年上不康 本當云不豫避代宗諱改豫爲康  
也禮儀志上元年聖躬不康文宗紀聖體不康上不  
康

是以宣皇帝 按元宗諡七字其末三字曰大明孝肅

宗諡九字其末三字曰大宣孝大孝之諡諸帝所同  
故稱元宗爲明皇肅宗爲宣皇也

代宗紀

大歷五年以京西兵馬使李忠臣爲鳳翔尹代皇甫溫  
按忠臣無徙鎮鳳翔之事當是李抱玉之譎然爾  
時抱玉官位已高不當云京西兵馬使也

貶禮部尚書裴士淹爲處州刺史 按德宗卽位改括  
州爲處州避御嫌名此在代宗朝當云括州史臣追  
改之而於十二年又有括州字所謂史駁文也

七年以張之清豐店置清豐縣 按新史地理志清豐

縣大歷七年析頓邱昌樂置以孝子張清豐名其時  
無張縣也紀誤

十一年十二月以涇原節度副使試太常卿張掖郡王  
段秀實權知河東節度留後北都留守薛兼訓病故  
也 按段秀實傳無權知河東留後事紀所書誤也  
卽以本紀證之十二年正月書以四鎮北庭涇原節  
度副使知節度使事張掖郡王段秀實爲涇州刺史  
兼御史大夫充本州團練使不云新除河東節度留  
後也其三月書以太原少尹河東節度行軍司馬權  
知河東留後鮑防爲太原尹御史大夫充北都留守

河東節度使則此紀云權知河東留後者乃鮑防非  
秀實矣蓋秀實出節度副使除知節度事鮑防以河  
東行軍司馬權知留後皆十一年十二月事馬璘薨  
而以秀實代之薛兼訓病而以防代之兩事本不相  
涉中有脫文後人誤連屬之

十四年上崩于紫宸之內殿 諸帝之崩皆書年壽如  
干獨代宗紀失之

### 德宗紀

貞元三年八月以給事中王緯爲潤州刺史江西觀察  
使 江西當作浙西



十三年三月以福建都團練使李若初爲明州刺史浙  
東觀察使 浙江東道本治越州據此文似當時曾  
移治明州而新史方鎮表未及之

順宗紀

建中元年正月丁卯立爲皇太子 按德宗紀大歷十  
四年十二月乙卯制宣王某可立爲皇太子此紀云  
正月丁卯者彼據宣制之日此據受冊之日也丁卯  
下當有朔字

貞元二十一年以吏部郎中韋執誼爲尚書右丞相同  
中書門下平章事 此時無左右丞相之官相字衍

攷異

九

李師古劉濟兼檢校司空張茂昭司徒 新史三公表

無茂昭名蓋檢校司徒也

穆宗紀

元和十五年恒王房子孫改爲氐王房 恒王當是恒

山愍王也氐王卽愍王之諱唐人避諱民弱字多改从氐

敬宗紀

寶歷二年其漢陽汝川兩縣隸鄂州 汝川當作汝川

文宗紀

大和四年敕前行郎中知制誥者約滿一周年卽與正授從諫議大夫知者亦宜準此 前行謂吏兵二曹

也唐中葉以後常以它官知制誥行中書舍人之職與學士對掌內外制當時亦呼爲舍人朕必官至前行郎中以上乃得正授舍人若學士除中書舍人者仍典內制不兼外制也

開成二年吏部奏長定選格請加置南曹郎中一人別置印一面以新置南曹之印爲文從之 新史百官志失載此事攷裴諤傳代宗居陝諤步懷考功及南曹二印赴行在則南曹之有印久矣

### 武宗紀

會昌元年制以魏博兵馬留後何重霸檢校工部尚書

魏州大都督府長史充天雄軍節度使 此時魏博軍未有天雄之額蓋史臣追稱之觀會昌三年討澤潞制詞稱成德軍魏博軍不云天雄軍可證

宣宗紀

會昌六年四月制皇長男溫可封鄆王二男涇可封雅王第三男滋可封蘄王第四男沂可封慶王 按靖懷太子漢傳云會昌六年封雍王大中六年薨傳不言漢爲第幾子而紀又不書雍王之封及薨事此可疑也又據此紀長男溫次男涇三男滋四男沂以卽位之年封五男澤六男潤以大中元年二月封七男

洽八男洎九男汶以五年正月封其次第當不紊而於十一年六月乃書第三男灌封衛王第十一男滌封廣王疑衛王灌非第三子當是第十男之譌也而宣宗諸子傳却又以衛王灌列于夔王滋之前此又可疑也且列傳及新史宗室表俱云宣宗十一子自鄆王温至廣王滌正合十一人之數何緣更有靖懷太子漢一人此尤可疑也新紀鄆王温雍王漢雅王涇夔王滋慶王沂以會昌六年五月封漢王澤以大中二年三月封鄂王澗以五年六月封懷王洽昭王洎康王汶以八年九月封衛王灌以十年九月封廣

王濛以十一年八月封與舊紀年月多不合惟增雍  
王漢一人又於大中六年書漢之薨頗與舊傳相應  
然新舊傳及新宗室表皆云宣宗十一子若并漢數  
之乃是十二子此亦可疑也新紀作漢而表傳並作  
漢漢與漢字形相涉必有一誤矣新傳失載衛王濛  
一人表列濛於雅王涇之後濛之上既有漢涇兩人  
而懿宗又爲長子則濛行在第四與舊紀所云第三  
男者亦終不忤且濛果年長于滋沂澤潤諸人何以  
受封轉在十年之後此皆可疑也兩史表傳皆作夔  
王滋獨此紀作斬王疑聲之訛

懿宗紀

咸通四年四月敕徐州罷防禦使爲文都隸兗州 文都蓋支郡之譌徐州本節度使治所領泗濠諸州至是以銀刀等軍驕悍伏誅降使額爲防禦又罷防禦使改隸兗海節度爲屬州也

五年二月以兵部尚書牛叢檢校兵部尚書兼成都尹劍南西川節度副大使知節度事徐州處置觀察防禦使 按叢爲西川節度使西川與徐州絕遠必無兼領徐州之事徐州上當有脫文蓋別有一人除徐州觀察使轉寫失之爾

十三年制追諡宣宗爲元聖至明成武獻文睿智章仁神聰懿道大孝皇帝 按諸帝之諡皆具載本紀紀首又冠以最後增加之諡獨宣宗紀祇載初上之諡紀首亦但書聖文獻武孝皇帝於史例未合但高祖太宗受命之君諡止七字肅順憲三宗亦止九字宣宗德薄於前朝而驟加至十八字九廟有靈何以自安史臣畧而不書非無見也

臣嘗接咸通耆老言恭惠皇帝故事 按舊唐書於石晉開運二年奏上距咸通末年已七十三歲矣且以晉臣而述唐史當於恭惠上加唐字



僖宗紀

乾符二年十月以前大同軍及雲朔都防禦營田供軍等使李璠檢校左散騎常侍澧州刺史充天德軍澧州西城中城都防禦使 澧當爲豐字之譌方鎮表貞元十二年以振武之東中二受降城隸天德軍此云西城恐是東城之譌也

光啓三年延昌請權以少府監大廳爲太廟 按禮儀志及殷盈孫傳則此議出於太常博士殷盈孫非鄭延昌所請也

文德元年二月魏博軍亂逐其帥樂彥禎彥禎子相州

攷異

舊唐書一

十一

刺史從訓率衆攻魏州牙軍立其小枝羅宗弁爲留  
後 按樂彥禎傳云軍府疑貳彥禎危憤而卒衆推  
都將趙文珩知留後事從訓自相州領兵至城下文  
珩按兵不出衆復害文珩推羅宏信爲帥羅宏信傳  
云彥禎子忌牙軍出居於外軍衆廢彥禎推趙文珩  
權主軍州事衆復以爲不便因推宏信爲帥據此二  
文則魏軍先立趙文珩後立羅宏信無所謂羅宗弁  
者傳昭二紀俱稱羅宗弁誤矣

### 昭宗紀

景福二年乃築第於恒州迎匡威處之 按穆宗以後

恒州改名鎮州此卷前後俱稱鎮州獨是年再見恒州字

以武威軍防禦使錢鏐 武威當作武勝

乾寧四年九月制以鎮海軍節度使錢鏐爲鎮海軍節度浙江東西道觀察處置等使杭州越州刺史上柱國吳王 是時錢鏐自鎮海軍節度兼領鎮海鎮東兩鎮鎮海軍治杭州領浙江西道鎮東軍治越州領浙江東道紀於下鎮海之下不書鎮東者脫文也鏐以是年八月四日賜鐵券其結銜已稱鎮海鎮東等軍節度浙江東西等道觀察處置管田招討等使兼

兩浙鹽鐵制置發運等使開府儀同三司檢校太尉  
兼中書令使持節潤越等州諸軍事潤越等州刺史  
上柱國彭城郡王食邑五千戶食實封壹伯戶則鏐  
除兩鎮節度蓋在八月以前此九月朔所命乃由彭  
城郡王進封吳王也

哀帝紀

中興之初方備禮改卜 後唐本出沙陀自國昌賜姓  
李氏附鄭王房及莊宗滅梁自謂中興唐祚故有中  
興之稱盧簡求傳中興嗣業子文紀仕至尚書中書  
侍郎平章事豆盧瑑傳瓚子革中興位亦至宰輔趙

隱傳中興用爲宰輔王鎔傳及唐室中興去僞尚書  
令之號崔義傳子居儉中興終戶部尚書